

陳修園醫書四十種

閱者注意

本書從前出版祇有四十種現復重加搜輯增加十種其目列下

本經便讀

溫熱贅言

本草經百種錄註解

婦科雜症

醫壘元戎

名醫別錄

平辨脈法歌括

局方發揮

醫法心傳

增補食物祕書

合計共五十種較前更形完備以供諸君子之參考幸垂鑒焉

傷寒
眼科捷徑



傷寒舌鑑



自序

嘗讀仲景書止言舌白胎滑並無黃黑刺裂至金鏡錄始集三十六圖述後觀舌心法廣至一百三十有七何後世誕變之多若此宜知傷寒自表傳裏舌胎必由白滑而變他色不似伏邪瘟疫等熱毒自內連外之一病便見黃黑諸胎也觀仲景論中一見舌白胎滑卽言難治安有失治而致變者乎所以仲景止言白胎已見一斑不煩瑣屑後人無志先聖治未病之說不得不反覆辨論以啟蒙昧蓋邪氣入裏其虛實寒熱之機必現於舌非若脈法之陰而不顯也况陰盛格陽與邪熱鬱伏多有假證假脈惟驗舌上胎色之滑燥厚薄昭若冰鑑無所遁形由是取觀舌心法正其錯誤削其繁蕪汰其無預於傷寒者而泰入家出人治按所紀及己所親歷共得一百二十圖命曰傷寒舌鑑授之剗劂以公同志臨證之一助云

康熙戊申年秋月誕先張登書於雋永堂

傷寒舌鑑目錄

白胎舌二十九圖
黃胎舌一十七圖
黑胎舌一十四圖
灰色舌一十一圖
紅色舌二十六圖
紫色舌一十二圖
黴醬色胎舌三圖
藍色胎紋舌二圖
妊娠傷寒舌六圖




傷寒舌鑑

長洲張登誕先彙纂

白胎舌總論


傷寒邪在皮毛。初則舌有白沫。次則白涎白滑。再次白屑白疱。有舌中舌尖舌根之不同。是寒邪入經之微甚也。舌乃心之苗。心屬南方火。當赤色。今反見白色者。是水不能制金也。初則寒鬱皮膚。毛竅不得疏通。熱氣不得外泄。故惡寒發熱。在太陽經則頭痛身熱。項背強。腰瘠疼等症。傳至陽明經。則有白屑滿舌。雖症有煩躁如脈浮緊者。猶當汗之。在少陽經者。則白胎白滑。用小柴胡湯和之。胃虛者理中湯溫之。如白色少變黃者。大柴胡。大小承氣。分輕重下之。白舌亦有死症。不可忽視也。

微白滑胎舌




寒邪初入太陽。頭疼。身熱。惡寒。舌色微白。有津。香蘇散羌活湯之類發散之。

薄白滑胎舌




此太陽裏證舌也。二三日未曾汗。故邪入丹田漸深。急宜汗之。或太陽與少陽合病。有此舌者。柴胡桂枝湯主之。

舌胎滑白厚




病三四日。其邪只在太陽。故胎純白而厚。却不乾躁。其證頭疼發熱。脈浮而緊。解表自愈。

舌心黃胎白




此太陽經初傳陽明府病舌也。若微黃而潤。宜再汗。待胎燥裏證具。則下之。若煩躁嘔吐。大柴胡湯加減。亦有下淡黃水沫。無稀糞者。大承氣湯下之。

舌胎白厚乾



病四五日。未經發汗。邪熱漸深。少有微渴。過飲生冷。停積胸中。營熱胃冷。故令發熱煩躁。四肢厥冷。而胎白乾厚滿口白屑。宜四逆散加乾薑。

舌邊黃胎白




舌中見白胎。外有微黃者。必作泄。宜用解毒湯。惡寒者五苓散。

乾白胎黑心舌




此陽明府兼太陽舌。其胎邊白中心乾黑者。因汗不徹傳至陽明所致。必微汗出。不惡寒脈沉者。可下之。如二三日未曾汗。有此舌必死。

白胎滿黑刺乾舌




白胎中生滿乾黑芒刺。乃少陽之裏證也。其證不惡寒反惡熱者。大柴胡加芒硝急下之。然亦危證也。

白滑胎尖灰刺舌




此陽明府兼少陽舌也。三四日自利脈長者生。弦數者死。如有宿食。用大承氣下之。十可全五。

白滑胎黑心舌




白胎中黑。為表邪入裏之候。大熱譫語。承氣等下之。倘食復而發熱。或利不止者。難治。

半邊白滑舌




白胎見於一邊。無論左右。皆屬半表半裏。宜小柴胡湯。左加葛根。右加茯苓。有欬。引脇下痛。而見此舌胎者。用青龍湯。夏月多汗自利。人參白虎湯。

白胎黑斑舌




白胎中有黑小斑點亂生者。乃水來尅火。如無惡候。以涼膈散承氣湯下之。十中可救一二。

藏結白滑舌



或左或右。半邊白胎。半邊或黑或黃者。寒邪結在藏也。黃連湯加附子。結在咽者。不能語言。宜生脈散合四逆湯。可救十中一二。


白胎燥裂舌




傷寒胸中有寒。丹田有熱。所以白胎。因過汗傷營。舌上無津。所以燥裂。內無實熱。故不黃黑。宜小柴胡加芒硝微利之。

舌胎白而根黑。火被水尅之象。雖下亦難見功也。

舌根黑胎白




舌黃雙胎白




此陽明裏證舌也。黃乃土之色。因邪熱上攻。致令舌有雙黃。如脈長惡熱。轉矢氣煩躁者。大柴胡調胃承氣下之。

舌根黃尖白



邪雖入裏。而尖白未黃。不可用承氣。宜大柴胡湯加減。下後無他證。安臥神清。可生。倘再有變證。多凶。


舌黑雙胎白



白胎中見黑色兩條。乃太陽少陽之邪入於胃。因土氣衰絕。故手足厥冷。胸中結痛也。理中湯瀉心湯選用。如邪結在舌根。咽隘而不能言者。死證也。


滿舌白滑而尖却鮮紅者。乃熱邪內盛而復感客寒入少陽經也。小柴胡湯加減。

舌紅尖胎白




此夾冷食舌也。七八日後見此舌而有津者。可治。理中四逆選用。無津者不治。如乾厚見裏證。則下之。得湯後灰色去者安。

舌色灰雙胎白




此太陽初傳經之舌也。無汗者發汗。有汗者解肌。亦有少陽經者。小柴胡湯加減。

舌紅中胎白




舌尖白而根灰黑。少陽邪熱傳厥。熱極而傷冷飲也。如水停津液固結而渴者。五苓散。自汗而渴者。白虎湯。下利而渴者。解毒湯。如黑根多。白尖少。中不甚紅者。難治。

舌根黑紅中尖白



白胎變黃舌




少陽證罷。初見陽明裏證。故胎變黃色。兼矢氣者。大柴胡湯下之。

白胎尖灰根黃舌



此太陽濕熱併於陽明也。如根黃色潤。目黃小便黃者。茵陳蒿湯加減。

白胎尖紅根舌



舌尖胎白。邪在半表半裏也。其證寒熱耳聾口苦脇痛脈弦。小柴胡湯和解之。

白胎尖俱黑舌



舌根尖俱黑而中白。乃金水太過。火土氣絕於內。雖無凶證。亦必死也。



舌白熟

純熟白

白胎老極。如煎熟相似者。心氣絕而肺色乘於土也。始因食瓜果冰水等物。陽氣不得發越所致。為必死候。用枳實理中。間有生者。

舌粉積如胎白

胎如積粉

此舌乃瘟疫初犯募原也。達原飲。見三陽表證。隨經加柴胡葛根羌活。見裏證。加大黃。

舌明透白淡

透明


年老胃弱。雖有宿寒。不能變熱。或多服湯藥傷其胃氣。所以淡白透明。似胎非胎也。宜補中益氣加減治之。




黃胎舌總論

黃胎者裏證也。傷寒初病無此舌。傳至少陽經。亦無此舌。直至陽明府實。胃中火盛。火乘土位。故有此胎。當分輕重瀉之。初則微黃。次則深黃有滑。甚則乾黃焦黃也。其證有大熱。大渴。便秘。譫語。痞結。自利。或因失汗發黃。或畜血如狂。皆溼熱火盛。小便不利所致。若目白如金。身黃如橘。宜茵陳蒿湯。五苓散。梔子蘘皮湯等。如畜血在上焦。犀角地黃湯。中焦。桃仁承氣湯。下焦。代抵當湯。凡血證見血則愈。切不可與冷水。飲之必死。大抵舌黃證雖重。若脈長者。中土有氣也。下之則安。如脈弦下利。舌胎黃中有黑色者。皆危證也。

舌乾微黃純




舌胎黃微



舌見黃胎。胃熱之極。土色見於舌端也。急宜調胃承氣下之。遲則恐黃老變黑。爲惡候。


舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。

舌乾黃




舌見乾黃。裏熱已極。急下勿緩。下後脈靜身涼者生。反大熱而喘脈躁者死。

舌斑黑胎黃




黃胎中亂生黑斑者。其證必大渴譫語。身無斑者。大承氣下之。如脈濇。譫語。循衣摸牀。身黃斑黑者。俱不治。下出稀黑糞者死。

舌滑黑胎黃



舌黃而有黑滑者。陽明裏證具也。雖不乾燥。亦當下之。下後身涼脈靜者生。大熱脈躁者死。

舌尖通黑中胎黃




黃胎從中至尖通黑者。乃火土燥而熱毒最深也。兩感傷寒必死。惡寒甚者亦死。如不惡寒。口燥咽乾而下利臭水者。可用調胃承氣湯下之。十中可救四五。口乾齒燥形脫者不治。

舌瓣隔黃老




舌黃乾澹而有隔瓣者。乃邪熱入胃。毒結已深。煩躁而渴者。大承氣湯發黃者。茵陳蒿湯。少腹痛者。有瘀血也。抵當湯。結胸。大陷胸湯。

舌根灰胎黃




舌根灰色而尖黃。雖比黑根少輕。如再過一二日。亦黑也。難治。無煩躁直視。脈沉而有力者。大柴胡加減治之。

舌尖黃




舌尖胎黃。熱邪初傳胃府也。當用調胃承氣湯。如脈浮惡寒。表證未盡。大柴胡兩解之。

舌根紅尖黃




根紅而尖黃者。乃濕熱乘火位也。瘟熱初病。多有此舌。涼膈解毒等藥消息治之。

舌根黑尖黃




舌黑根多而黃尖少者。雖無惡證惡脈。誠恐暴變一時。以胃氣竭絕故耳。

舌滿脹大黃




舌黃而脹大者。乃陽明胃經濕熱也。證必身黃、便秘、煩躁。茵陳蒿湯。如大便自利而發黃者。五苓散加茵陳梔子黃連等治之。

舌刺黑胎黃




舌胎老黃極而中有黑刺者。皆由失汗所致。邪毒內陷已深。急用調胃承氣下之。十中可保一二。

舌根白尖黃



舌根白尖黃。其色倒見。必是少陽經傳陽明府病。若陽明證多者。大柴胡湯。少陽證多者。小柴胡湯。如讞語煩躁者。調胃承氣湯。

舌尖白根黃




舌尖白根黃。乃表邪少而裏邪多也。天水散涼膈散合用。如陽明無汗。小便不利。心中懊懣者。必發黃。茵陳蒿湯。

舌縮短尖白根黃



舌見根黃尖白而短硬。不燥不滑。但不能伸出。證多譫妄煩亂。此痰挾宿食。占據中宮也。大承氣加薑半主之。

舌尖灰根黃



舌乃火位。今見根黃尖灰。是土來侮火也。不吐不利。心煩而渴者。乃胃中有熱也。調胃承氣加黃連。

